

〔延喜式五〕凡度量權衡者官私悉用大但測晷景合湯藥則用小者其度以六尺爲步以外如令

〔好古小錄下〕古昔布帛及衣服ヲ度ルハ大尺ヲ用ト云按ニ續日本紀云天平八年五月諸國調布

長二丈八尺闊一尺九寸法隆寺ニ天平勝寶八年ノ調布略註アリ闊大尺ノ一尺九寸也帛布ヲ

ハカルニ大尺ヲ用ルノ明證トスベシ又續教訓抄ニ襲裝束ノ裁縫ヲ載ス其寸法大尺ヲ以ハ

カル者也是衣服ヲ度ルニ大尺ヲ用ル證トスベシ然レバ大尺ニ吳服尺ノ名アルモ古キヨト

トミユ

〔令義解十〕凡用度量權衡官司謂大藏省及諸國司之類皆給樣其樣皆銅爲之

〔令義解九〕凡官私權衡度量每年二月詣大藏省平校謂凡諸司及庶人用權衡度量者皆詣大藏省

也依律雖平而不經官司印署者皆卽知平校日官司題印但唐令云並不在京者詣所在國司平校然

後聽用

〔唐六典二十〕太府寺凡官私斗秤度尺每年八月詣寺校印署無或差繆然後聽用之

〔唐律疏議二十六〕諸校斛斗秤度不平杖七十監校者不覺減一等知情與同罪

疏議曰校斛斗秤度依關市令每年八月詣太府寺平校不在京者詣所在州縣官校並印署然後

聽用

諸私作斛斗秤度不平而在市執用者答五十因有增減者計所增減準盜論卽用斛斗秤度出入官
物而不平令有增減者坐贓論入己者以盜論其在市用斛斗秤度雖平而不經官司印署者答四十

疏議曰卽用斛斗秤度出入官物增減不平計所增減坐贓論入己者以盜論因其增減得物入己

以盜論除免倍贓依上例其在市用斛斗秤度雖平謂校勘訖而不經官司印署者答四十

〔類聚國史八〕延曆十七年十月乙未勅略中 度量權衡先有定製平校行用亦具令條然所司怠慢會

不遵行大小任意輕重由人收納多濫盡害尤甚自今以後宜改此弊升尺等類就大藏省依法平校永